

ՎԻԿՏՈՐ ՊԵՏՐՈՍՅԱՆՑ

ԱՍՏՎԱԾԸՆԿԱԼԻ ՎԱՆՔԸ

Ապարանի շրջանում, Հարթավան գյուղից 2 կմ հեռավորությամբ Քասաղի կիրճի աջակողմյան բարձր բլրի վրա, վեհորեն կանգնած է Աստվածընկալի վանքը: Վանքը գրեթե ձուլվել է բնությանը, հարազատ, համահնչուն է նրան:

Կաթողիկե եկեղեցին և գավիթը 1240—1250-ական թվականներին կառուցել են Վաչուտյան Քուրդ իշխանն ու նրա կինը՝ Խորիշահը, որպես ուսումնական կենտրոն, և նրա պահպանության համար առատ նվերներ են տվել: Կաթողիկե եկեղեցու խորանի աջ կողմի 1244 թվականի շինարարական արձանագրությամբ Քուրդ իշխանը հայտնում է.

«Ծնորիօք և ողորմութե[ա]մբն Ա[ստուծո]յ ես Քուրդ իշխանաց իշխան, որդի մեծին Վաչէի և կենակից իմ Խորիշահ, դուստրը Մարծպանա շինեցաք զսուրբ կաթողիկէս յիշատակ հոգոց մերոց. ամենայն զարդուք զարդարեցաք. տուաք ընծայ ամեր գնած այգին ի Փարպի, Ա խուպան Աւշական, Ա այգի ի Կարբի, Ա շինական, Գ ողջատուն: ՈՂԳ թուիս»¹:

Կաթողիկե եկեղեցին չափավոր մեծության է: Թորոս Թորամանյանը նկատել է, որ այն կառուցված է «մոտավորապես Անիի Լուսավորիչ եկեղեցվո ձևով և չա-

փով»²: Գմբեթը հենված է եղել որմնասյուների վրա: Այժմ փլված է:


Կաթողիկե եկեղեցու կառուցումն ավարտելուց հետո նրան անմիջապես կից արևմուտքից կառուցվել է գավիթը: Այն շատ ավելի ընդարձակ է, քառասյուն, գմբեթը զարդարված է 'ստալակոտներով և իր տիպի մեջ լավագույններից է: Գավթի ներքին տեսքը զուսպ է, անմիջական: Սյուների խոյակները խաչազարդ են: Արևելյան կողմի երկու որմնասյուների վրա քանդակված են դուրս ցցված, գեղաքանդակ խաչեր:

Գավթի հատակը ծածկված է տապանաքարերով: Բացի մեկից, որի վրա անընթեռնելի տառահետքեր են նշմարվում, սյուները արձանագրված չեն: Դրան հակառակ տապանաքարերի մեծ մասի վրա լուրջագծված են մարդկանց ուրվապատկերներ: Այդ ձևը ընդհանրապես հատուկ է Ապարանի շրջանի միջնադարյան գերեզմանատներին (Մոսվյան, Հարթավան, Ջովուհի, Ապարան, Նորաշեն, Երևջատափ, Ջորագյուլիս, Քուչակ)³: Հարավ-արևելյան սյան հյուսիսային կողմում, խարսխին կից, կա մի երկար ու նեղ տապանաքար, որի


² Թ. Թորամանյան. Նյութեր հայկական ճարտարապետության պատմության, հ. 2, Երևան, 1948, էջ 202:

³ Այս փաստի վրա ուշադրություն է դարձրել Թ. Թորամանյանը: Նյութեր..., էջ 208:


¹ Ստորագրություն կաթողիկե էջմիածնի և հինգ գաւտացն Արարատայ. աշխատասիրութեամբ Յովհ. եպ. Ծախաթունեանցի, հ. 2. Էջմիածին, 1842, էջ 170:



Աստվածընկալ. Ընդհանուր տեսքը արևմուտքից



Աստվածընկալ. Եկեղեցու տեսքը հարավ-արևմուտքից



Աստվածընկալ. Գավթի գլխավոր մուտքը (շքամուտք)



Աստվածընկալ. Նկեղեցու հարավ-արևմտյան կողմում կանգնեցված գույք խաչքարերը

վրայի մարդու պատկերը ավելի նախնական ուրվագիծ ունի:

Արտաքուստ թե՛ եկեղեցին, թե՛ գավիթը շատ պարզ ու անպաճույճ են: Բայց գավթի շքամուտքը չափազանց շքեղ է: Կառույցների տաճիքները խաչաձև են: Գավիթը կառուցել է «Յոհաննէս» ճարտարապետը: Նրա ստորագրությունը մնում է գավթի հարավ-արևելյան սյան վրա: Ամենայն հավանականությամբ կաթողիկէ եկեղեցին ևս «Յոհաննէս» է կառուցել:

Մինչև Աստվածընկալի կառուցելը բլրի վրա գոյություն է ունեցել եկեղեցական համալիր: Կաթողիկէ եկեղեցու հարավային պատն իր մեջ է առել ավելի փոքր եկեղեցու կամ մատուռի հյուսիսային պատը: Փոքր եկեղեցու ծածկը բանդված է, միայն պատերն են կանգուն: Ծիսության ոճը թույլ է տալիս ասել, որ այն 5-րդ դարի կառույց է: Եկեղեցու որմնասյուները, դռանց խոյակներն ու խարիսխները հար և մասն են Տեկորի նույնատիպ կառույցներին: Նմանությունը բացարձակ է նաև Զովունիի գերեզմանատան մեջ կառուցված 5-րդ դարի մատուռի որմնասյուների, խոյակ-խարիսխների հետ⁵:

Մատուռը ունեցել է երկու դուռ՝ հյուսիսային և հարավային կողմերից: Մատուռին կցված են մի փոքրիկ խորան և մի սեկնյակ: Փոքր խորանը խորանակից է բուն մատուռին, իսկ սեկնյակը՝ հարավ-արևմտյան անկյունում դնում է հաղորդակցվում մատուռի հետ: Թ. Թորամանյանը, հանգամանորեն ուսումնասիրելով մատուռը և իր հավելվածները, կարծիք է հայտնել, որ այն կարող է վկայարան եղած լինել⁶:

Մեծ ճարտարապետի կանխածը անհիմն չէ: Դրա լավագույն վկայությունը Հովհաննէս Ծախիսյունյանի գրի առած ավանդությունն է: Ավանդության համաձայն «Ի կառուցանել զայս տաճար (Կաթողիկէ եկեղեցի—Վ. Պ.) ամփոփեցին ի հիման սեղանուն սրբոյ զկող սրբոյն Յակոբայ առաքելոյ...»⁷: Հավանաբար հին եկեղեցին, որ ավելի ուշ շրջանի արձանագրության մեջ

սուրբ Աստվածածին է կոչվում, հնում եղել է ս. Հակոբի վկայարան, և կաթողիկէ եկեղեցին կառուցելու ժամանակ նրա մասունքները ամփոփվել են «Ի հիման սեղանուն սրբոյ»: Նույն ավանդությունից իմացվում է, որ Աստվածընկալն իր անունն ստացել է հայտնի քանդակագործ խաչից, որի օրինակով խաչքար է պատրաստվել:

Աստվածընկալում միաբանություն հաստատվել է կաթողիկէ եկեղեցին կառուցելուց շուրջ քառորդ դար առաջ: 1207 թվականին վերանորոգվել է փոքր եկեղեցին և այդտեղ միաբանություն հաստատվել: Այդ է վկայում եկեղեցու հարավային պատի վրա փորագրված արձանագրությունը.

«Ի ՌԾԶ թվիս նորոգեցաւ Ա[ստուա]-ծածինս և հաստ[ատ]եցաք առաջնորդ Բ[րիստոսա]ս[ի]ր ոխտիս Կո[ն]ստ[անդինոպոլիս] Գրիգոր, Եղազար, Վարդա[ն], Յոհանն[էս], Յար[ութիմ], Ծերթա, Ա[ստուա]ծատ[ուր], Ընստակ[էս], Սարգ[իս], Փա[նոս] և այլ միաբանցս, որ հաստ[ատ]եցա[ն]ք զուխտ միաբանութե[ան] հոգոց մե[ր]ոց...»⁸:

Աստվածընկալի վանքը միջնադարյան Հայաստանի ճարտարապետության զարդերից մեկն է, մշակութային, կրթական օջախ:

Ձեռագրարկված արձանագրություններ Աստվածընկալից:

1. Կաթողիկէ եկեղեցու խորանի հյուսիսային որմի դռան բարավորին, 13-րդ դար. ԵՍ

ԷԼՊԵԿՍ ՀԱՐՊԻ

ՈՐԴԻ ԶԽՈՐԱՆՍ ԾԻՆԵՅԻՔ

Մ[ԵՐ] ՀԱԼԱԼ ԱՐԴԵԱՆՑ ՍՊԱՍԱԻ
ՈՐՔ ՍՈՐԱՅ Գ: ԱԻՐ ԺԱՄ ՀԱՍՏԱՏ
ԵՑԻՆ: ՈՎ ԽԱՔՓԱՆԷ ԴԱՏԻ ՅԱ[ՍՏՈՒ-
ԾՈ]Յ:

2. Գավթի հարավ-արևելյան սյան վրա (խիստ մաշված և հողմնահարված).

Ա[ՍՏՈՒԱ]Ծ.....

[ՊԱ]ՐՈՆ Բ[Ր]ԴԻՆ:

Պարոն ԲՈՒՐԴԸ ամենայն հավանականությամբ Բուրդ Վաչուտյանն է:

3. Գավթի հարավ-արևելյան սյան վրա, բարձրից.

ԶՅՈՀԱՆԷՍ ՅԱՂԱ ԳՍ ՅԻԾԵՑԷԲ....

Արձանագրության հրատարակիչ Թորոս Թորամանյանը կարդացել է. «Յոհաննէս յիշեցէք»:

⁸ Հովհ. Եպիսկ. Ծախիսյունյանը (Ստորագրութիւն..., էջ 171) արձանագրության այս մասն է միայն բացթողումներով արտագրել:

⁴ Նույնը:

⁵ Ասեմք, որ Զովունի գյուղը Քասաղի հունով չորս կիլոմետր է հեռու Աստվածընկալից: Եվ զարմանալի չէ, որ Զովունին կառուցապատող Գնթունի շինարար իշխանները անպատճառ եկեղեցաշինության համար կօգտագործեին Աստվածընկալի բլրի հարմար դիրքը՝ ապրալանց ճանապարհը, աջ կողմում՝ զահալված լեռնալանջերը, ձախում՝ ձորը, որ տեղով հոսում է Քասաղ գետը:

⁶ Թ. Թորամանյան. Նյութեր..., էջ 208:

⁷ Ստորագրութիւն..., էջ 169—170: